



# Synfocity = 895

mail us at : mzsinfo@gmail.com; mizoramsynod@gmail.com - Phone - 2314648

June 29, 2023

## ❑ Synod Music School buatsaihin Music Recital neih a ni

June 29, 2023 (Ningani) hian Synod Music School-a Piano, Violin leh Vocal zirlaite'n Recital an nei a, zirlai 90 an tel thei a ni. Recital hi Worship Department Coordinator, Pu Lalchhunglianaw hawngin Pathian hnenah a hlan a, zirlaite fuihin, thuchah tawi a sawi a ni.

Recital-ah hian zirlaiten an thiam thil an lantir a, Vocal zirlaite chuan an zirlaia mi hla an sa a, Violin leh Piano zirlai te pawhin an zirlaia mi music an play a ni. Recital hi Session/Semester zawhah neih thin a ni a, musician tha ni tur chuan he programme hi a pawimawh em em a, zirlaite'n an hlawkpui thin hle a ni.

## ❑ Kohhran ni pawimawh Health Sunday & Hospital Sunday

July 2, 2023 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atangin a hmang tan a, kum 1981 atangin July thla Pathianni hmasa ber hi ni bik atan hman a ni.

Kum 1985 Synod Inkhawmpui thu angin 1988 atang khan January Pathianni hnunung ber chu Phâr Pathianni (Leprosy Sunday) atan hman thin a ni a. Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlâk ta a ni. Kum 2006 atangin Health Sunday hi hman tan a ni. Bial KTP Inkhawmpui nen a inruwal chang a awm avângin February Pathianni vawi thumnaah hman thin a ni ta a. Health Sunday-ah hian Hriselna lam thupui chi hrang hrang zir thin a ni a, kumin 2023 hian "Upate natna leh a enkawl dan" tih kan zir dawn a ni.

Kum 2008 Synod-in "Health Sunday leh Hospital Sunday hi Pathianni vawi khatah a ruala hman ni se" tia a rel angin kum 2010 atangin Health Sunday leh Hospital Sunday hi a rualin ni khatah hman a ni ta a ni.

Kumin 2023 hian Health Sunday pualin chawhnuah hun hman a ni ang a. Zannah Hospital Sunday puala hun hman a ni ang a, thawhlawm lak khawm a ni bawk ang. Thawhlawm chu Synod Hospital Charity Fund pual a ni ang a, Bial Treasurer kaltlangin Synod Office-ah theh luh tur a ni.

Kumin Health Sunday & Hospital Sunday atan hetiang hian programme duan a ni:

Chawhnu Inkhawm

### Health Sunday Pual

Thupui : Upate natna leh a enkawl dan

Zan Inkhawm

### Hospital Sunday Pual

Thupui : Natna tinreng tidamtu Isua

Synod 2022 report-a a lan danin tun dinhmuna Synod Hospital, Durtlang leh John Williams Hospital, Lunglei-a thawktu awm dan chu hetiang hi a ni:

Synod Hospital, Durtlang:

Doctor	39
Nursing & College Staff	220
Para Medical Staff	34
Thawktu dang	197
<b>Thawktu zawng zawng</b>	<b>490</b>

John Williams Hospital, Lunglei:

Doctor	4
Nursing Staff	22
Para Medical Staff	9
Thawktu dang	27
<b>Thawktu zawng zawng</b>	<b>62</b>

Health Sunday thupui leh Hospital Sunday thupui sawi turin Hospital-a thawktute kohhran 22-ah an kal ang.

☐ **Trust**

June 27-28, 2023 chung khan Kanhmun Pastor Quarters sak tur enpuuin Pu Lalhriatrenga, J.E. a kal.

☐ **Mizoram Christian College (MCC)**

◆ Mizoram University chuan a hnuai Bachelor of Business Administration (BBA) Final exam result chu June 23, 2023 (Zirtawpni) khan a tichhuak a, Mizoram Christian College atanga Final exam result an neih dan chu hetiang hi a ni -

- 1) Exam zawnng zawnng : 19
- 2) Pass zat : 18
- 3) Fail zat : 1
- 4) Pass Percentage : 94.73

Mizoram Christian College zirlai atangin Top 10-ah mi 4 (Pali) an lang a, chungte chu -

- 1) Vanlalparmawii (2nd Position)
- 2) Lalrintluangi (4th Position)
- 3) Vanlalhruii (5th Position)
- 4) Zorammawii (8th Position)

Tun dinhmunah zirlai 275 an awm mek a, Kum 2023-2024 Academic Session chu July 3, 2023 (Thawhtanni) atang hian tan a ni dawn a, tun Session atang hian National Education Policy (NEP) hman tan a ni dawn a ni.

◆ 'Mizo Kristian Thu leh Hla zir hona' (International Seminar) hman a ni:

June 27, 2023 (Thawhlehi) khan Mizoram Christian College-a Mizo Department chuan Synod Conference Centre-ah Mizo Kristian thu leh hla zirchianna an buatsaih a. He hun hi Dr. Lalhlimpuii, Asst. Professor & Head, Department of Mizo, MCC-in a kaihrui a, Rev. Dr. Vanlalngbaka Ralte chu khuallian a ni. Prof. R.L. Thanmawia'n Mizo Literature chungchang a sawi hawng a, Mizoram University leh Aizawla College hrang hranga literature lama mi thiam eng emaw zatin an thuziak an chhiar a, sawiho a nih bakah zawnna leh chhanna hun hman a ni bawk.

☐ **Zirlai Viltu Committee**

June 29, 2023 (Ningani) zan hian Zirlai Viltu Committee buatsaihin UPSC Preliminary Examination 2023-a tlingte lawmpuina leh fuihna, Synfo Studio-ah neih a ni dawn.

He hun hi Rev. Dr. K. Lallawmzuala, Executive Secretary-in a kaihrui ang a, Rev. Dr. C. Chawngmingliana, Synod Moderator-in lawmpuina a hlan ang a, Pu Benjamina, ID&AS (Rtd.)-in thu a sawi ang. UPSC Preliminary Examination 2023-a tlingte hnenah hian Zirlai Viltu Committee chuan an kal lehzelnatan leh an inbuatsaih zel nan ₹ 50,000/- theuh a pe dawn a ni.

He programme hi Hruaina Eng TV Channel leh Synod Information Youtube Channel-ah te Live-a tihchhuah a ni ang.

☐ **Synod Mission Board**

◆ **Kumin 2023 May thla thlenga Mission Field hrang hranga member thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	19	10.	Karbi Anglong	61
2.	Arunachal & Assam Mission (North)	24	11.	Kolkata	354
3.	Arunachal & Assam Mission (West)	52	12.	Lucknow	23
4.	Assam	27	13.	Nepal	67
5.	Barak Area	66	14.	Odisha	29
6.	Delhi	90	15.	Patna	75
7.	Home Mission North	19	16.	Siliguri	40
8.	Home Mission South	22	17.	Tripura	400
9.	Jharkhand	233	18.	Masihi Sangati	2524

**Belh khawm 4125**

◆ **Jharkhand Mission Field**

June 20-25, 2023 chung khan Field chung hmun hrang hrangah member thar 16 an awm belh a, Church of North India (CNI) atangin member pali leh Roman Catholic atangin member 11 kan kohhranah anrawn inpe bawk.

◆ **Arunchal & Assam Mission Field (West)**

June 25, 2023 (Pathianni) khan member thar pahnih an awm belh.

◆ **Odisha Mission Field**

June 25, 2023 (Pathianni) khan member thar pakhat a awm belh.

◆ **Patna Mission Field**

June 25, 2023 (Pathianni) khan member thar panga an awm belh.

◆ **Karbi Anglong Mission Field**

June 25, 2023 (Pathianni) khan member thar pakhat a awm belh.

◆ **Cambodia**

June 25, 203 (Pathianni) khan member thar pakhat a awm belh.

◆ **Masihi Sangati Awareness Campaign neih a ni.**

June 25, 2023 (Pathianni) zan khan Aizawl khawpui chung Kohhran hrang hrang 29-ah Masihi Sangati Awareness Campaign neiin Committee member-te an kal.

□ **Presbyterian English School (PES)**

June 27-29, 2023 chung hian PES hrang hrang - Sesawng, Thingsulthliah, Tlungvel, Baktawng, Hualtu, Chhingchhip, Khumtung leh Thingsul Tlangnuam te tlawhin Pu C. Lalrinliana, Supervisor of Schools a kal.

□ **MSSU**

◆ June 29, 2023 (Ningani) hian Sairang Bialah Sunday School Zirtirtu Training neihpuiin MSSU Trainer-te, Upa Hrilthansanga leh Upa Zohmangaiha te an kal.

◆ July 1, 2023 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:

Champhai Bethel Bial - Nl. Agnes Lalrinzuali, Asst. Coordinator  
Upa K. Zoremsanga  
Upa F. Lalenghluna.

Zemabawk Kawnveng Kohhran - Pu Lalhmunzauva Tlau, Asst. Coordinator  
Upa Hrilthansanga  
Upa Saihmingthanga Sailo

□ **Finance**

◆ June 29, 2023 (Ningani) hian Kanhmun Bialah Finance Campaign leh Accounts Training neihpuiin Upa David Lalnunfela leh Pu Lalhruaizela Ralte te an kal.

◆ June 30, 2023 (Zirtawpni) zan hian Mission Veng Bialah Accounts Training neihpui turin Upa Lalsawmliana, Finance Manager leh Pu Zaihmingthanga Fanai, Accountant te an kal ang.

□ **Prison Ministry**

July 2, 2023 (Pathianni) hian Central Jail leh Hmeichhe Jail-ah Prison Ministry leh Bungkawn Bial KTP ten hun an hmang ang.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Thentlang Kohhran Hall	kang siam that nan		₹ 50,000/-
2.	Biate Venglai Kohhran Hall	Lungrem chim siam that nan		₹ 20,000/-
3.	Thuampui Vengthar Kohhran	Biak In chhak lam lung rem nan		₹ 20,000/-
4.	ITI	Khawsak harsa	2	₹ 20,000/-
5.	Zohmun	Damlo	2	₹ 20,000/-
6.	Electric Veng	Damlo	1	₹ 10,000/-
7.	Leitan	Damlo	1	₹ 10,000/-
8.	Zokhawthiang	Khawsak harsa	1	₹ 10,000/-
9.	Chhingchhip Venghlun	Khawsak harsa	1	₹ 10,000/-
			<b>Belh khawm</b>	<b>₹ 1,70,000/-</b>

- ❑ **FM Zoawi - Aizawl & Lunglei : Hruaina Eng Radio Programme**  
**June 30, 2023 (Zirtawpni) @ 7:30 p.m. :**  
**Solo :** Rebek Vanlalpeki Sailo - Kristian Chhungkua, **Zaipawl :** Bawngkawn Bial Zaipawl - Chatuan rammawi, **Thusawi :** Upa Bonny Lalrindika (L) - Kristianna leh chhungkua, **Solo :** Nancy Zothanmawii - A humhim ang, **Zaipawl :** Khawzawl Vengthar Bial Zaipawl - Lal Isua ka nei
- ❑ **Susamachar Prasaran Programme :**  
**July 2, 2023 (Pathianni) 5:30 pm. :**  
**Group/Choir/Solo :** Durtlang Masihi Sangati - Prabhu, **Group/Choir/Solo :** H.Vanlalringa - He Mere Man, **Sermon :** Rev. Darrema Hlawndo, **Group/Choir/Solo :** Govt Complex Kohhran - Anugrah Karii, **Group/Choir/Solo :** Chanmari Masihi Sangati - Aaradhana
- ❑ **Hruaina Eng TV Programme**  
**29.6.2023 (Ningani) 8:30 pm :** Zir bingna - Hun hnuhnung thu : Lal Isua lo kal lehna  
**30.6.2023 (Zirtawpni) 5:00 pm :** Kristian Naupang Pual  
**1.7.2023 (Inrinni) 5:30 pm :** Puitling Sunday School Zirlai  
**8:30 pm :** Rimawi huang  
**2.7.2023 (Pathianni) 8:00 am :** Weekly Round Up  
**5:30 pm :** Su Samachar  
**3.7.2023 (Thawhtanni) 8:30 pm :** Hruaina Eng Luang Chhuak  
**4.7.2023 (Thawhlehi) 8:30 pm :** Nilai Zan thupui zir ho - Synod Pension & Provident Fund
- ❑ **Moderator leh Executive Secretary-te Programme:**  
**Rev. Dr. C. Chawngmingliana : Moderator**  
 June 30, 2023 Nursery Veng Kohhran Biak In hawn  
 July 1-18, 2023 Presbyterian Church of Wales General Assembly hmanpui  
**Rev. C. Zoramawia : Senior Executive Secretary**  
 July 1-18, 2023 Presbyterian Church of Wales General Assembly hmanpui  
**Rev. V.L. Luaia Hranleh : Executive Secretary**  
 June 28-29, 2023 John Williams Hospital Committee, Lunglei  
 July 3, 2023 MSSU Naupang Pual Media Committee  
 July 7, 2023 Social Front BEC  
 July 9, 2023 Bungkawn Kohhran  
**Rev. Dr. K. Lallawmzuala : Executive Secretary**  
 June 29, 2023 Ramthar BEC leh Zirlai Viltu Programme  
 July 5, 2023 PCI Finance Committee, Shillong  
 July 7, 2023 PCI Trust Committee, Silchar

**YOUTH COORDINATOR CHUNGCHANG HRIATTIRNA**

Presbyterian Church of India hnuaiia Presbyterian Youth Fellowship-a thawk tur 'Youth Coordinator' hna a ruak a, hna diltu chu Presbyterian Kohhran mi, thalai rawngbawlna a tui, zuk leh hmuama fihlim a ni tur a ni. Dil duhte chuan hei hi hriat ni se.

- Dil thei chin : Kum 25-35 inkar
- Dil theih hun chhung : July 14, 2023 thleng
- Interview hun : July 18, 2023 (Thawhlehi) chawhma dar 11:00
- Interview-na hmun : Presbyterian Assembly House, Shillong
- Awmna tur : Shillong, Meghalaya
- Hlawh : Rs. 20,000/- (Twenty thousand) per month fixed (Quarters pek a ni ang)
- Thiamna : Theological graduate from Senate of Serampore College or any equivalent degree from any other recognized college/university

Hrechiang duh tan Tv. Lalrinnggheta, Asst. Coordinator, KTP, Synod Office (contact No. 9856804149)-ah zawhfiah theih a ni e.